

Akugu 'Ba Pɔlo Zi Kanisa Ma GALATIYA

¹ Ma Pɔlo bɔ laja 'ba Kurisitö ame bilaka lesi na dë koja ma ala gɔ ako'dɔkɔ 'ba bɔtɔ tine bo Yësu Kurisitö gbagba bo mo na koja ma lijë ti Boko'ba 'bu bɔ koja bo di mi tölë ne.

² Ze ti löndö ame ga tö bine ne dugu waraga nime ziye kpe kanisa ma mi dɔyayi 'ba Galatiya.

³ Lende këyi ti yëyi 'ba Boko'ba 'bu ze ti 'ba Yësu Kurisitö nɛre ze koloma kɔtɔ tiye.

⁴ Bo na ki'di didi bo 'deni gɔze bine 'dɔ kola ze gɔ lende kënyë ze ga 'dɔ bo kɔmɔ ze di mi lende konya 'ba dɔyayi nime. Ame kina rɔ ako'dɔkɔ 'ba Boko'ba 'bu ze.

⁵ Akilëlu këdi zi bo nduwë nbö rɔ nburunburu. Amini.

Lende 'Ba Laja Laka

⁶ Kpe pele lende 'be igayi ma 'deni. Kpe ame mo tönë Boko'ba kidëki ye 'deni ti lende këyi 'ba Kurisitö ne kpe na këddi kolake bo 'deni ngi ngala kari kutike za gɔ a mɔtɔ tɔ ne ga ame kidëki gbì tégè rɔ laja laka 'ba Kurisitö ne.

⁷ Tine laja laka 'ba Kurisitö nge kɔtɔ. Mëdi miya nime gɔ lende 'ba ya mɔtɔ ga ame këdi kilikö dɔye 'dɔ tuyi mi laja laka 'ba Kurisitö nime ne.

⁸ Kina me miya ziye, ɔdɔ pele rɔ ze ala rɔ malayika di mitɔrɔ na kako kuwöwö a mɔtɔ 'beri di gɔ ame, ee, sönö 'ba Boko'ba këdi dɔ bo.

⁹ Kɔzɔ ma tɔnɛ miya pa ziye bine ne kina me gbɪ mɛdɪ mileki gɔmo 'deni miya ziye ɔɔɔ bo mo kako kuwɔwɔ laja mɔtɔ ziye 'beri di gɔ ame ki'dike dɔye 'deni gɔmo ne, ee, sɔnɔ 'ba Bɔko'ba kɛdɪ dɔ bo.

¹⁰ Mɪ lende ma nime inda kɔzɔ mɛdɪ tɪyɛyɪ dɔkɪ'dɪ bilaka rɔma? Inza tara. Bɔko'ba na mo'dɔkɔ tɪyɛyɪ dɔkɪ'dɪ mo. Minza miya 'dɔ tɪyɛyɪ dɔkɪ'dɪ bilaka timo. Ne ma mɛdɪ ra gba mo'dɔ tɪyɛyɪ dɔkɪ'dɪ bilaka timo dɛne minza kpe rɔ bo laja ma laka 'ba Kurɪsɪtɔ.

Pɔlo Rɔ Bɔ Laja

¹¹ Lɔndɔ ma ga, mo'dɔkɔ ziye 'dɔ kikalike lende nime laka. Laja laka nime muwɔwɔ ziye ne lende 'ba bilaka lesi na dɛ.

¹² Mogba dɛ di zi bɔtɔ kina bɔtɔ na dɛ gbɪ kiyandi ma timo. Tine Yɛsu Kurɪsɪtɔ na ki'di mɪ rɔ kileme abo zɔ tɔnɛ.

¹³ Uwɔke 'deni tɔnɛ moworo kulɔwɔ bine mɪ kɔ'du ki'di ze 'ba Yudayi to'dɔ kɔzɪ kasi zi kanisa 'ba Bɔko'ba toboso mo 'dɔ tɔrɔ mo yaga.

¹⁴ Mɔ'bɔ ti'di rɔma to'dɔ kɔ'du ki'di 'ba 'bu ze lɔbu ga rɔ dɔ kiteli kebe 'ba lɛpɪ ma ga pili.

¹⁵ Dɛmba tine pele mɔlo gba kinza kɔyɔ ma dɛ Bɔko'ba oweli ma 'deni ti mɪ kɛyɪ abo rɔ 'ba bo.

¹⁶ Kina me mɪ kada mo ame bo kɔ'dɔkɔ 'deni tine na bo kileme kole abo ŋgɪ zɔ 'dɔ muwɔwɔ laja laka mo zi bɔ lɔwɔ ni pili. Tine mɛnyɪ mileki dɛ kpe 'bɔwu zi bilaka lesi mɔtɔ tiyija gɔ lende mo.

¹⁷ Mari dɛ kpe gbɪ Yerosalema 'dɔ dilende gɔmo ti ya ma tɔnɛ mo ga 'deni mɔlo rɔ bo laja 'ba Yɛsu Kurɪsɪtɔ yayɪ ne. Mɛnyɪ ŋgɪ mari

moloma mi dɔyayi 'ba Arabi kina di pötö mo na mileki Damaseke.

¹⁸ Di pötö mo ko'do kɔmɔ kɔɔ 'deni mota tine na mileki mari Yerosalema dari dikali rɔze ti Pitörö mo'do tö'dö nge do 'butë döömu ti bo yayi.

¹⁹ Tine bo laja 'ba Kurisitö ga ma kɔtɔ mɔtɔ mo te mo'ja dë du te di yayi, löndö bo Yakoba na nge mo'ja.

²⁰ Ro ma laka miya ziye kɔmɔ Boko'ba wa naga nime mēdi mugu ziye ne bēti na dë.

²¹ Di pötö mo na mari Suriya ni ti Kilikiya.

²² Mi kada nima bilaka 'ba kanisa ame ga mi Yudayi ne ikali kinë ma dë gba,

²³ lijë uwö gba nge ro lende ma ame kiya te, “Bo tönë koloma pa ro to'do közi kasi zize ne ileki 'deni tuwöwö laja laka 'ba Yësu Kurisitö tönë bo kiteri toboso mo pa 'do kɔrɔ yaga ne.”

²⁴ Kina lijë kilëlu Boko'ba nji gɔ lende ma.

2

Pɔlo Ni Ti Bɔ Laja Mɔtɔ Ga

¹⁻² Kina ɔdɔ kɔmɔ kɔɔ mo kiteli 'deni 'butë dɔmosowɔ tine na Boko'ba kileme nji zö 'do mēnyī ti gbī mari Yerosalema. Kina dēnyī nji dari ti Baranaba mogba Tito gbī tö. Mi kpa kotɔtɔ ze ame nge ro dɔze ti löbu 'ba kanisa mo ga ne na miyētī gɔ lende 'ba laja laka ma muwöwö zi bo löwö nji zinnī römöyī mo'dɔkɔ dë 'do ndɔbo ma tönë ga mo'do pa bine gbī ti ma mēdi mo'do giri naga nime kilikö ra ro yawa.

³ Tine lijë uti nji gɔ akiyandi ma zi bo löwö. Tito ame pele ro Giriki tö ne lijë utöri dë ko'do

dölëti 'ba akilele 'ba Yudayi kozo ma laki moto ga kiteri.

⁴ Lende 'ba akilele nima iya roni 'deni nge tara go lende 'benni lijë bo ko'do ronnï ro löndö zize lijë kako 'deni mi löngö ze naga nima. Tine lijë ako ro mali roze tikali go do ngölö ze ame 'deni ro akoto ti Yësu Kurisito di mi lende 'ba kö'du ki'di 'benni ga 'ba Yudayi go lijë kobili ze gbï 'böwu kileki yimo.

⁵ Ne duti de go lende 'benni nima koto te romöyï kinza kolo laja laka 'ba Boko'ba nime ra yaga di ziye.

⁶ Ne tondo lijë ame mo ga ro löbu 'ba kanisa mo ga ne kiya oto de go laja nime medï muwöwö ne? (Midëki lijë tara tine kozo ma tone lijë kedï pele pa molo bine ne inza ro oto zo romöyï Boko'ba o'do geli de mi löngö bilaka.)

⁷ Tine lijë ikali ngï Boko'ba na ki'di ndobo löbu 'ba tuwöwö laja laka abo zi bo löwö nime zo gbï kozo ma bo ki'di zi Pitörö tari tuwöwö mo zi Yudayi tara.

⁸ Romöyï tigo abo na ki'di ze do'do wa naga nime.

⁹ Kina me lijë Yakoba ni ti Pitörö ti Yowani lijë ame mo ga kidëki lijë ro löbu 'ba kanisa ne, mi kada nima lijë kikali ngï lende këyi 'ba Boko'ba na me koja ma mi ndobo nime ne lijë iyaya közize ngï ze ti Baranaba go dedï ro lepï tinni mi ndobo nime, go dedï 'beze ti Baranaba mi löngö bo löwö tine go lijë kedï 'benni mi löngö Yudayi.

¹⁰ A ma nge lijë kose gomo zize na ro tokonyi Yudayi ma lisa naga kozo ame mo'doko 'deni

tönë molo to'do mo ne.

Pɔlo Amo Do Pitörö

¹¹ Tine mi kada ma tönë bo Pitörö mo kako Anitokiya ne mamodo bo kozo a nime te go wa ame bo ko'do kinda ro ma koco ne.

¹² Römöyi ma dogba pa bo oloma tonyo kpa bo ti bo löwö bi koto tine 'böwu mi kada nima bo ko'ja ya moto ga ame kako di zi Yakoba 'deni kömö yo na bo kere ngi go lende 'ba laki naga nima keddi kiya te bilaka 'ba kanisa pili 'do keddi ti dölëti 'ba akilele ne. Kina bo kebe ngi tilagi tonyo kpa bo bi koto ti bo löwö

¹³ ki'di löndö moto ga ame ro Yudayi ne koloma ngi ro to'do ndobo ti doki'di riyoriyo go lende abo ki'di Baranaba pele gbi kila'ba di mi bo go lende 'benni.

¹⁴ Kina odo mongo 'deni lende 'benni nima ko'de lende laka 'ba Boko'ba de kpe ame ro laja laka mo ne tine na milende ngi zi Pitörö di komo bilaka 'ba kanisa pili kozo a nime te, miya te, "Ni Pitörö, ni ame ro Yudayi ame koloma 'deni kozo bo löwö kinza to'do dölëti 'ba Yudayi ne go wa'di na keddi kiteri 'do ti'di bo löwö naga nime 'do ko'do dölëti 'ba Yudayi?"

Lende 'Ba Yudayi Ni Ti Bo Löwö

¹⁵ Ne 'beze ze ame mo ga ro Yudayi ne dinza ro bo löwö bo lende kënyë ni

¹⁶ dikali 'deni toro kö'du ki'di i'di boto de du te ro ma laka komo Boko'ba, tine nge koto go ti'di do go lende 'ba Yësu. Kina me ze gbi di'di doze 'deni go lende 'ba Yësu Kurisito 'do meri ze mo na ki'di ze ro ma laka komo Boko'ba. Tine inza go toro kö'du ki'di römöyi ugu 'deni molo iya te,

“Toro kö'du ki'di i'di boto dë du te kedi ro ma laka komo Boko'ba.”

¹⁷ Iya roni 'deni te ze ame ga 'deni ro akoto ti Kurisitö ne odo debeke gbi toma 'do tedi ro ma laka komo Boko'ba kozo a nima tara, ze 'deni gbi ro bo lende kenyë kozo 'ba bo lowo naga nima koro kö'du ki'di dë ne. Ne odo kedi 'deni tara tine Kurisitö mo na 'deni kedi koto ze kori lowo mi lende kenyë? Inza du tara.

¹⁸ Ne odo ma mo tone mongo kö'du ki'di 'deni pa kozo wa sari ne na menyï 'deni mi'di kö'du ki'di kedi mbiri ro do kiteli di doma, ro ma laka mo'do roma 'deni ro bo lende kenyë.

¹⁹ Mi kö'du ki'di ma 'deni ro toku kina kö'du ki'di inza kpe mbiri doma tine mididi 'deni Boko'ba na mbiri doma.

²⁰ Kö'du ki'di nima bo na me kupö ma 'deni kutoti ma ti Kurisitö. Loma ma medi yimo nime inza kpe ro 'bama tine 'ba bo 'ba Kurisitö na romoyi didi Kurisitö na 'deni ro akoto to. Loma ma nime pele mi yida ro ne tine ti'di do go lende 'ba kole 'ba Boko'ba na kitigo ma 'deni. Bo na ko'o ma 'deni bo kilaña go didi bo go kö'du ma.

²¹ Kina me odo tedi ro ma laka komo Boko'ba na kedi 'deni go toro kö'du ki'di, Kurisitö ole 'deni ka ngi bi sari. Ame ngi 'do ki'di mi keyi 'ba Boko'ba kule ro yawa ne ma 'bama muti dë gomo.

3

Ti'di Do Go Laja Laka Na Ro Do Kiteli

¹ Kpe Galatiya rumo naga nime, ye na ko'do do gege roye? Go wa'di na ki'dike doye dë kpe

gɔ lende 'ba tutötö Kurisitö ame tönë kiyëtï rönï 'deni laka yaga ziye ne?

² Akoto nime na nge mo'doko tikali mo di ziye. Wa'di na ko'de Nyi Koto Laka doye, toro kö'du ki'di ala ti'di do gɔ laja laka 'ba Boko'ba nime kuwöwö ziye kuwöke ne?

³ Ne gɔ wa'di na kpe ngi ro rumö tara gomo? Isakike 'deni ti Nyi Koto Laka, ne gɔ wa'di na kebe kuyike kpeye 'böwu ti'di doye gɔ tigo 'be 'ba bilaka lesi?

⁴ Ombike gomo 'deni kulöwö gɔ lende 'ba Kurisitö. Tine a nime pili inza ro oto ziye? Kinza to kpe du tara.

⁵ O'jake 'deni ma Boko'ba koja Nyi Koto Laka abo ziye gɔ ko'do gɔ koto ma konzi mi löngö ye. Me bo koja ziye ne gɔ toro kö'du ki'di 'be ala gɔ ti'di doye gɔ laja laka abo nime kuwöke ne?

⁶ Ongöke Abarayama te, bo i'di do bo gɔ lende 'ba Boko'ba kina ki'di bo ngi kedï ro ma laka komo Boko'ba.

⁷ Gɔ kö'du mo na dikali ngi lijë ame ga ki'di dönni ro ma laka gɔ lende 'ba Boko'ba ne lijë na ro kupö Abarayama mo ga.

⁸ Römöyi Boko'ba ileme 'deni molo 'do bo ki'di bo löwö ni kpaki kedï ro ma laka komo bo mi ti'di do gɔ lende abo. Kina ma 'do kuwöwö zi Abarayama mi laja laka kiya te, "Tiyi na ti mo'do yeyi ma laka pili do bilaka 'ba doyai."

⁹ Kina ti Boko'ba ko'do yeyi 'deni ngi dönni lijë ame ga pili ki'di dönni gɔ lende abo ne gbï kozo ma bo ko'do zi Abarayama ame ki'di do bo gomo ne.

10 Ne 'bënni lijë laki bo kiya te toro kö'du ki'di na ti ki'di lijë kedi ro ma laka komo Boko'ba naga nima sönö 'ba Boko'ba ti koriya tinni. Römöyü ugu 'deni molo mi buku 'ba Boko'ba iya te, "Lijë ame ga pili kö'bö de ro to'do wa naga nime kugu mi buku 'ba kö'du ki'di 'doyi ne ti sönö 'ba Boko'ba koriya tinni."

11 Ro ma laka to'do kö'du ki'di i'di boto de ro ma laka komo Boko'ba römöyü ugu 'deni gbi iya te, "Lijë ame ga ro ma laka komo Boko'ba go ti'di dönni go lende abo ne lijë na ti kedi ti didi ma laka."

12 To'do kö'du ki'di nima lende mo edi gbi 'beri römöyü ugu 'deni iya te, "Bo ame ko'do wa ame ga kö'du ki'di ko'doko 'doyi ne ti ko'ja didi ma laka ngi."

13 Ne go ame sönö 'ba Boko'ba koriya 'deni tize ne na me Kurisito utë goze 'deni yaga di yimo go koriya ti gbagba bo. Römöyü ugu 'deni mi buku 'ba Boko'ba iya te, "Bo ame kutoti 'deni do ngeri ne sönö 'ba Boko'ba koriya timo."

14 Bo o'do tara 'do bilaka pili 'ba doyyai nime ko'ja yeyi kozo ame bo Boko'ba kose gomo 'deni molo zi Abarayama ne. Go kö'du mo na me 'do ki'di Nyi Koto Laka kako zize ze ame ga di'dike doze 'deni go lende abo ne.

Kö'du Ki'di Ni Ti Lömu

15 Löndö ma ga, ti mileme lende nime ziye ti wa 'ba dolingo nime. Ame doo kiya te ni mato ko'do lömu 'deni boto mato o'bo de kpe tiyeyi yimo ala konzo domo teyi.

16 Kina gbi tara kozo ame kugu mi buku 'ba Boko'ba bo Boko'ba kiya te bo ti ko'do yeyi do

Abarayama kpaki ti kupö mo ne. Tine inza ngi ro go do kupö Abarayama mo ga kpaki ro buru, omba kupö bo ma kotö ro Kurisitö nime na.

17 Kina me medï miya ziye Boko'ba o'do lömu nima 'deni molo zi Abarayama, tine nbö di pötö komo koo kuluku modoomota kodo domo 'butë mota (430) 'deni tine na 'jaa bo koja kö'du ki'di nima zi bilaka. Tine kö'du ki'di nime inza kikali tüyëyi mi lömu ma molo nime bo ko'do 'deni ne ala kiyese yëyi mo mbowa yaga.

18 Ne go wa'di na kebe kiyake te Boko'ba ti ko'do yëyi do bilaka go toro kö'du ki'di? Ma odo kedï 'deni tara lömu abo nime inza kpe ro oto. Ne dikali 'deni Boko'ba o'do yëyi do Abarayama go lömu abo 'ba Boko'ba.

19 Ne Boko'ba i'di kö'du ki'di go wa'di? Ti miya ziye bo i'di kö'du ki'di 'deni 'do bilaka kikali wa ame ga ro lende kënyë ne timo 'do kitata bilaka tötï koda kupö Abarayama mo tönë bo ki'di kö'du mo 'deni molo 'do to'do yëyi timo ne. Bo i'di kö'du ki'di abo 'deni zi malayika ko'de zi Musa bo kpëri 'ba goze ko'de kako zize bilaka lesi.

20 Bo i'di lömu abo dë ti botö bo kpëri tine gbagba bo kotö mo na kiya abo zi Abarayama.

21 Ne odo kedï 'deni tara kö'du ki'di uti dönï dë kpe ti lömu mo tönë bo ko'de ne ma? Ne ti miya ziye inza tara. Botö motö ikali dë ma 'do ko'do kö'du ki'di pili ro gomo 'do kedï ro ma laka komo Boko'ba. Ma toro kö'du ki'di na kedï 'deni kozo lömu nima ti'di bilaka kedï ti didi ma laka dëne ti ki'di lijë gbï kedï ro ma laka komo Boko'ba. Ne inza tara.

22 Ugu 'deni mi buku 'ba Boko'ba iya te dolinö nime bo domo ro lende kënyë. Kina me yëyi abo

'ba Boko'ba mo tönë bo kulömu 'deni molo 'do ti'di mo zi ma ki'di dönni gɔ lende abo ne bo ti ki'di zinni lijë ma ki'di dönni 'deni gɔ lende 'ba Yësu Kurisitö naga nime.

²³ Tine gba kinza ti'di do gɔ lende 'ba Boko'ba nime kako dë kö'du ki'di na koboso ze pa me mi maboso abo nbö Boko'ba kileme ti'di do gɔ lende 'ba Kurisitö.

²⁴ Kö'du ki'di na tönë koloma ro bo kokoko ze nbö Kurisitö komö 'do di'dike doze gɔ lende abo gɔ dedike ro ma laka komo Boko'ba.

²⁵ Ne kina me kori 'ba ti'di do gɔ lende 'ba Kurisitö mo tönë na 'deni me. Gɔ kö'du mo na bo bo kokoko ze nima bo inza kpe ti közi kakpa doze nati.

Akoto Ti Kurisitö

²⁶ Kina me ziye pili, ni moto doo ki'di döyi 'deni gɔ lende 'ba Yësu Kurisitö ni 'deni ro akoto ti bo ro kole 'ba Boko'ba.

²⁷ Obapatisi yi 'deni mi ro kodo'bo ti Kurisitö kolo bo 'deni ro bongo röyi.

²⁸ A moto inza kpe 'beri ro Yudayi ala ro bo löwö, atoli ala ma kinza ro atoli, botoni ala 'ja, kpe 'deni pili ro ma koriya ro akoto ti Yësu Kurisitö.

²⁹ Kina me kpe ma 'deni ro 'ba Kurisitö naga nime na 'deni ro kupö Abarayama 'do Boko'ba ko'do yeyi ti doye kozo ma tönë bo kiya 'deni molo ne tara.

4

¹ Ongoke toma kozo ame kole na pele ro bo kinda'ba apoto ne, dogba mo bo gbi kozo atoli

tara, ko'ja bo na ngi kedi kari koloma ro bo do wa naga nima pili.

² Ko'ja bo kedi gba mbowa bo moto na koloma ro tongo go a bo ga ti'di lende zi bo. Bo oloma tara nbö komö mi kada mo ame 'bu bo kongo bo 'deni ko'bo tedi ro bo do wa pili ne.

³ Kina ze gbi tara ma tonë bine dikalike Kurisitö de gba ne, ze ngi ro atoli zi dölëti ni ti kö'du ki'di 'ba 'bu ze löbu ga.

⁴ Tine odo komö 'deni mi kada mo ame Boko'ba ko'doko ne na me bo koja kole abo ngi kako zize dolingo bine. Bilaka lesi na gbi köyö bo bici kö'du ki'di ma molo tonë ga

⁵ 'do tutë goze ame ga bici kö'du ki'di ne go dedike ti ro kole 'ba Boko'ba.

⁶ Kina me kpe 'deni ro kole 'ba Boko'ba na ma bo koja Nyi Koto Laka 'ba kole abo 'deni mize. Nyi Koto Laka nima na me kedi kiya te, "Baba, 'bu ma," mi motu ze ga ne.

⁷ Kina me inzake kpe ro atoli. Kpe 'deni ro kole 'ba Boko'ba. Kina bo Boko'ba ti ki'di mori abo ngi ziye romöyi kpe 'deni ro kole abo ga.

Ndose 'Ba Polo Zi Galatiya

⁸ Tonë gba bine kinza kikalike bo Boko'ba de ne kpe ngi ro atoli zi akoro ni ame ga tigo mo kinza gbi yo kozo 'ba Boko'ba ne.

⁹ Ne ma le'jete ikalike Boko'ba 'deni ro 'bu ye, tine ma laka mo ti miya te Boko'ba na kikali ye 'deni ro kole abo ga. Ne go wa'di na keddi ko'doke 'böwu tileki to'do dölëti ni ti kö'du ki'di ma yawa naga nima kozo 'ba 'bu ye löbu ga? Go wa'di na keddi ko'doke 'böwu tileki roye ro atoli zi wa naga nima gomo?

10 Gɔ wa'di na kebeke za 'böwu ti'di kómoye gɔ 'do to'do karama 'ba kpa dökikëri ni ti kpa dölili ti kpa nyepe ni gbï ti kómɔ kɔɔ la'ja ni gómɔ?

11 Ma ti mï kombi gɔ lende 'be römöyï inda kɔzɔ gómɔ löbu nime mupö rɔma kulöwö timo gɔ lende 'be ne 'deni ka ngï rɔ ma sari.

12 Moma'jo rɔma ziye löndö, o'doke rɔye gbï kɔzɔ ma römöyï ma 'deni gbï rɔ dɔ ngölö kɔzɔ 'beye tara. Tönë molo bine o'doke lende kënyë ɔto dë zö.

13 Kɔzɔ ma kikalike rɔkɔ'ɔ na ko'de ma tönë dɔgba ziye 'do ki'di moloma ngï rɔ tuwöwö laja laka 'ba Kurisitö ziye ne.

14 Mï kada nima rɔkɔ'ɔ i'di ma ngï rɔ akirëndi ma löbu dɔye ne pele tara o'doke riti ma ngï sowa bɔto o'ji ma dë yɔ. O'doke ma ngï kɔzɔ iya te ma mo na rɔ malayika 'ba Boko'ba naga tara, ngï gbï kɔzɔ ma na 'deni rɔ Yësu Kurisitö mo mï tako ma ziye.

15 Kpe ngï rɔ lɔɔ rɔ mbëmbë. Ne wa'di na kómö 'deni 'böwu le'jete? Miya 'bama mï kada naga nima yayi ma kiya te kómɔ këdi ra rɔ a toto röni, dëne iyagbake kómoye ga 'deni ki'dike zö 'do mokonyi rɔma timo.

16 Tara ne lende laka 'ba Boko'ba nime mëdi miya ziye ne na kebe kuyï ma 'deni le'jete yaga rɔ bɔ ndo'ji ziye?

17 Ne 'bënni 'ba laki naga nima tönë lijë ko'doko ye gɔ këddike ti dökï'di këyï rönni ne lende laka ɔto inza du te zinni. Lijë o'doko ye gɔ kozake rɔye yaga di rɔma këddike ti dökï'di këyï rönni.

18 Ne ma dɔ kiteli mo tēdi ti dōkī'dī kēyī rɔ bɔ ame kēdi kiya lende laka ne na laka ɔdɔ mēdi pele tiye ala minza.

19 Kpe kole ma ga, ma 'deni 'bōwu dɔ mī kɔ'ɔ 'be kɔzɔ 'ja ame kēdi kɔ'dɔ tōyō ne ŋbō 'jaa ɔdɔ ŋgira'da 'ba Kurīsītō kogbɔ rōnni 'deni miye.

20 Lende 'be ilikō 'deni ŋgī dɔma sowa. Mo'dɔkɔ ŋgī 'dɔ mako ra rɔye tilende ziye ti lende kēyī.

Akileme Ti Agara Ni Ti Sara

21 I'di mititi ye kpe bɔ kiterike to'dɔ rɔye rɔ atoli zi kō'du ki'di naga nime te. Uwōke wa nime kugu mī buku 'ba kō'du ki'di 'ba Bɔko'ba ne dē?

22 Ugu yayi iya te, Abarayama ti kole riyō, ma kɔtɔ Agara 'ja ma rɔ atoli mo na kōyō tine mɔtɔ mo Sara 'ja ma kogbe abo mo na kōyō.

23 Kole ma kōyō 'ba 'ja atoli nima öyō ŋgī kɔzɔ löyō ma laki, tine ma kōyō 'ba 'ja ma kogbe mo nima öyō 'deni gɔ lende 'ba kpa Bɔko'ba.

24 Kina me lende nime ēdi 'deni rɔ dɔŋgala rɔze. Römöyī 'ja riyō naga nime ileme lömu riyō. Lömu ma dɔgba mo tōnē ki'di di dɔ dōku Sinayi ne kina me kileme 'deni ti Agara 'ja ma kōyō kole atoli tōnē.

25 Agara na 'deni kɔzɔ dōku Sinayi mo tōnē mī dɔyayi 'ba Arabi ne, kina lɔko na 'deni rɔ akileme 'ba Yerosalema ma le'jete mo nime ŋgī rɔ atoli zi kō'du ki'di pili ti bilaka mo ga ne.

26 Tine Yerosalema ame mo mitorɔ ne lɔko na rɔ dɔ ŋgölō. Kina lɔko na rɔ mɔze.

27 Kɔzɔ ame kugu mī buku 'ba Bɔko'ba kiya te, “Ni kɔtɔ kinza kikali tɔ'ɔ 'ba löyō dē tōnē ēnyī

ti tiliya konyo kiyeyi koba ngala romoyi ni ame tonē pa kola yi ro koto kutu yi ne ni na ti keddi ti kole kebe loko bo koloma ti me'de nima.”

²⁸ Kina me londö ma ga, kpe na 'deni kozo Yisika ro kole 'ba Boko'ba di mi lömu ma laka mo.

²⁹ Tine mi kada nima yayi kole ma tonē mo köyö bo kozo löyö ma laki ne ebe 'böwu todo gomö ro kole ma köyö ti tigö 'ba Nyi Koto Laka nima. Lende nima na me 'deni gbi kozo ma le'jete naga nime.

³⁰ Tine ugu 'deni mi buku 'ba Boko'ba iya te, “Oga 'ja atoli nima yaga ti kole 'beni nima. Romoyi kinza kole 'ba 'ja atoli nima kinda'ba apoto ra gbi koto ti kole 'ba 'ja ma kogbe nima.”

³¹ Kina me medä miya ziye londö ma ga, ze kole 'ba 'ja atoli mo na de. Ze kole 'ba 'ja ma kogbe ro togbe mo na.

5

Do Ngölo

¹ Kurisitö utē goze 'deni go dedike yaga ro do ngölo. Kina ti oroke kitigo kinza kolake roye de kpe ro atoli zi a motö.

² Uwöke doma ma Polo medä milende ziye, odo kebe kolake roye 'böwu zi bilaka kilele ye Kurisitö inza kpe lipo ro oto ziye.

³ Kozo ma tonē miya 'deni pa ziye bine kina me medä mileki 'deni gbi miya gomö ziye. Ni motö ame kola royi kilele yi 'deni ni 'beyi nima 'deni ro bo 'do to'do kö'du ki'di 'ba Yudayi pili kinza tola ma koto mo.

⁴ Kpe ame ga ko'dokoke tēdī rɔ ma laka kɔmɔ Boko'ba gɔ ndɔbɔ 'be 'ba to'dɔ kō'du ki'di ne, onyeke rɔye 'deni yaga di rɔ Kurisītō. Kina lende kēyī 'ba Boko'ba inza kpe rɔ ɔtɔ ziye.

⁵ Ne ma 'beze mī ti'di dɔ gɔ lende 'ba Kurisītō na me Nyī Kɔtɔ Laka ki'di ze 'deni ti kɔmɔ ki'di 'dɔ dēdī rɔ ma laka kɔmɔ Boko'ba.

⁶ Römöyī ma di zize ze ame ga 'deni rɔ akɔtɔ ti Yēsu Kurisītō ne ya ma kinza kilele naga nima gbī kɔzɔ ma kilele 'deni naga nima tara. A ma rɔ dɔ kiteli zize na rɔ ti'di dɔ gɔ lende 'ba Yēsu ame kina kodo'bo ze 'deni mī ako'ɔ ne.

⁷ Tönē bine olomake ngī rɔ to'dɔ lende 'ba Kurisītō rɔ ma laka ne wa'di na kōmō 'böwu le'jete ko'jɔɔ ye di bi to'dɔ lende laka 'ba Boko'ba?

⁸ Inza rɔ bo Boko'ba mo na ko'jɔɔ ye di bi to'dɔ mo römöyī bo na tönē kīdēkī ye yīmo mɔlo bine ne.

⁹ Tine ame ēdī 'deni kɔzɔ lende mumē ma tönē kiya te, "Lan̄ga titiyi pele i'di ruzu löbu ngī kö'bu."

¹⁰ Ne ze ma ze tiye 'deni rɔ akɔtɔ mī ɲere Yēsu Kurisītō kina me ki'di ma 'deni ti mī kēddī gɔye kinza komerike lende mɔtɔ kpe 'böwu 'beri rɔma. Bɔtɔ nima kēdī kilikō dɔye ne Boko'ba ti kodo karama dɔmo ɔdɔ bo kēdī pele rɔ yē to ne.

¹¹ Ne ma 'bama löndö ma ga, ma mēdī mö'bö ra nduwē tuwöwö mo miya te ko'dɔ dölētī 'ba akilele dēne ti Yudayi ni kēdī ko'dɔ közī kasi gba zö kodo gomɔ rɔma gɔ wa'di? Ma kēdī ra tara dēne tutötī Yēsu nime mēdī muwöwö zinnī ne lijē inza gba kilagi.

12 Ne 'bënni lijë bɔtɔ bɔ kədī kososo ye 'dɔ kilele ye naga nima ma laka mo gbɔ zinnī dēne 'dɔ lijë könyö ti lende 'bënni nima n̄bɔ kore lijë timo yaga rɔ kpözö.

13 Ne kpe ma 'beye löndö ma ga, Boko'ba idëki ye 'deni mī dɔ ngölö. Ne kinza ki'dike dɔ ngölö 'be nime dē kindëndē ye kebeke to'dɔ ako'dɔkɔ 'ba yida rɔ. Zize n̄ge tēdi ti akɔ'ɔ gbī ti konyi rɔ gɔ rɔze.

14 Römöyī kö'du ki'di pili 'ba Boko'ba na me kotɔtɔ kpënni 'deni kɔrɔ dɔmo tara, ame kiya te, “Ɔ'ɔ bilaka lesi lēpī yī mɔtɔ gbī kɔzɔ ame kɔ'ɔ yida rōyī ne tara.”

15 Ne ɔdɔ kebeke za togba görö dɔ kuruku tonyo lēpī ye ga tirica mo, on̄gɔke rɔye laka ēdi kari 'deni tiye t̄iyenyē ye.

Nyī Kɔtɔ Laka Ni Ti Ako'dɔkɔ 'Ba Yida Rɔ

16 Kina me mēdi miya ziye, olomake ti Nyī Kɔtɔ Laka kinza kujëke dɔ ako'dɔkɔ 'ba yida rɔ ra

17 römöyī lijë rɔ bɔ ya ti ako'dɔkɔ 'ba Nyī Kɔtɔ Laka. Kina Nyī Kɔtɔ Laka rɔ ya tinnī kinza ko'dɔke dē n̄ge rɔ ako'dɔkɔ 'be ga.

18 Ɔdɔ kö'böke n̄ge ti to'dɔ ndɔbɔ 'ba Nyī Kɔtɔ Laka inzake kpe rɔ atoli zi kö'du ki'di.

19 Dikalike 'deni laka ndɔbɔ ko'dɔ 'ba ako'dɔkɔ 'ba yida rɔ na rɔ yēri ni ti lende ko'dɔ dɔ rumö ni kinza rɔ kaya

20-21 ti kpa kulömu zi akoro ni ti tata ti ndo'ji ti lamo ti mī kombi ti 'dirī ti mī kututu. Kina gbī ma kədī ko'de rɔ koza toloma rɔ bɔ ya ti mī kata tuwē layi rɔ dɔ rumö gɔ kupö wa yaga 'dɔ ki'di kebe to'dɔ wa ma kēnyē naga. Miya 'deni tönē

ziye bine kina me gbī mēdī mileki miya gomo ziye, lijē ame ga kēdī ko'do wa naga nime todo zinnī mī n̄ere löbu 'ba Boko'ba inza du te.

²² Tine ndobo 'ba ako'doko ame ro 'ba Nyi Koto Laka ne na ro ako'o ni ti lonjo ti mi këyi ti loma liya ti lende këyi ti lende laka ti mi këddi

²³ ti lende liya gbī ti togbo do yida ro. Wa naga nime pili ko'du ki'di moto inza ame kota gomo.

²⁴ Lijē ame ga ro 'ba Kurisitö ne upö ako'doko ma molo ame ro 'ba yida ro ne 'deni pili yaga ti do gege mo ga.

²⁵ Nyi Koto Laka na ki'di didi 'deni zize kina loma ze ga kö'bö ti n̄buru go ndobo abo.

²⁶ Kinza dö'böke de kpe tubötö roze ala toma kpa lepī ze ga go kënyi ro 'diri kina kinza do'doke mi kombi de gbī kpe.

6

Tomo Lepi Di Mi Lende Kënyë

¹ Löndö ma ga, odo lepī yi moto kilaka mi lende kënyë kpe ame ga ti tigo 'ba Nyi Koto Laka ne otöke bo liya yaga kodoröke bo go kori ma laka. Tine ongoke roye laka kinza kilakake ra gbī mi lende kënyë.

² Kpe pili ombike gomo 'ba lepī ye ga, to'do mo te na ro to'do kö'du ki'di 'ba Kurisitö ko kari do 'bö mo.

³ Römöyi ze bilaka lesi pili ro a sari. Ne odo ni moto kebe tudöli lepī yi ga ko'do röyi ro wa löbu, u'bölu röyi 'deni.

⁴ Ni moto omeri ndobo ko'do 'bi toma. Ne odo kēdī laka oloma ti, ti lonjo kinza do kombi tudöli lepī yi ga.

⁵ Römöyī nī mɔɔ nī na kēddi kombi ako'do 'bī.

⁶ Tine nī ame kēdi kiyandi yi ti lende 'ba Boko'ba ne ozake mī ē'bī ga kpe ti bɔ kɔmɔ kiyandi 'bī nima.

⁷ Kinza ku'bōlu rōyī dē. Bɔɔ mɔɔ ɔ'bo dē to'do kɔmɔ kandi zi Boko'ba. A nime ēdi kɔɔ kupō, ɔɔɔ kulī mī nyaka kumu gbī te rɔ kinē mo ne tara.

⁸ Kina gbī tara, nī bɔ ame kulī 'bēyī rɔ kupō 'ba lende kēnyē ne ti kumu 'deni dayi rɔ tölē. Tine bɔ ame kulī 'bēnī rɔ kupō ko'do 'ba Nyī Kɔɔ Laka ne ti kumu 'bēnī 'deni ŋgī dayi rɔ didi ma ŋburuŋburu.

⁹ Kina ti, dotoke nduwē to'do lende laka kinza dasike dē di rɔmo römöyī ɔɔɔ dōnyōke nduwē gɔmo to'do mo ti dumuke 'deni ŋgī rɔ a ma laka mī kpa dōlili mo.

¹⁰ Kina kɔɔ ame dēdike 'deni ti gɔ kele zize to'do lende laka zi bilaka ma laki ma dɔ kiteli mo zize to'do lende laka zi lēpī ze ga ame ki'di dōnnī 'deni gɔ lende 'ba Yēsu ne.

Ndose Ma Nburuŋburu

¹¹ Ma na me mēdi mugu lende naga nime ziye ti kōzō. Ōŋgɔke akugu 'jɔ ŋgurōgbō ma naga nime.

¹² Ti miya ziye, lijē laki naga nime kēdi kutōri 'do to'do dōlētī 'ba akilele ziye ne lijē o'dɔkɔ tīlēbē rōnnī rɔ bɔ to'do dōlētī 'ba bilaka lesi. Lijē o'dɔkɔ dē kinza bilaka kodɔ gomɔ ra rōnnī gɔ lende 'ba tölē 'ba Yēsu.

¹³ Ne pele lijē ma kilele mo tɔ naga nima oro kō'du ki'di 'ba Boko'ba dē gbī yɔ. Kina lijē kēdi

kiteri gbī 'dɔ kilele ye gɔ lijē kilēbē rōnnī dɔye gɔ dōlētī ma ko'dɔ rɔye.

¹⁴ Ne ma 'bama mo'dɔkɔ dē tilēbī ti ɔtɔ, tōlē 'ba ɲere Yēsu Kurīsītō ame kutōtī dɔ ɲgērī ne na ɲge rɔ a ma 'dɔ mīlēbī timo. Rōmōyī ti tōlē abo wa pili 'ba dōliɲɔ nime 'deni rɔ tōku zō kina gbagba ma 'deni gbī rɔ tōku zi dōliɲɔ.

¹⁵ Lende 'ba tilele rɔ ala kilele dē pele nima inza rɔ a kembe. Wa ma rɔ dɔ kiteli mo ze 'deni 'bōwu le'jete rɔ wa la'ja.

¹⁶ Ee, lende kēyī ti mī kēyī koloma tīnnī lijē ame ga koro lende nime kinda'ba kitigɔ ne. Lijē na rɔ ma laka rɔ 'ba Bɔko'ba.

¹⁷ Ɗburuɲburu 'ba lende ma na me, kinza bɔtɔ kodɔ gomɔ dē kpe rɔma rōmōyī kpa mbero naga nime rɔma ne ileme ma 'deni rɔ atoli 'ba Kurīsītō.

¹⁸ Lende kēyī 'ba Yēsu Kurīsītō ɲere ze koloma tiye pili löndö ma ga. Amini.

Jur Mödö
Jur Modo: Ndose Kodo Laka, Buku 'ba Tisaki ni Tодо
to Lömu La'ja 'Ba Yösu Kurisito Nere Ze New
Testament+

copyright © 1998 Wycliffe Bible Translators, Inc.

Language: Jur Mödö

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 25 Apr 2025 from source
files dated 26 Apr 2025

4cdbc69b-5207-55d8-8df2-e743cba8dc07